

wtgānde witten schoet sijns vaders
in in ioncfrouwelike licham. **I**ck grue
te din herte een sunderlinck hillich
sanctuariū godes daer in beslotē was
die hillighe der hillighen. dat hem de
here seluen heft ghehillighet inden
hillighen gheest. **I**ck grue te dy hilli
ghe tempel daer alle hillich^t in beslo
ten is. dat die ouerste bisrop **J**esus **x**^{us}
myt sinen onsprekeliken inganck
ende wtganck wonderlick heuet ge
hillighet. **I**ck grue te dy alre hillichste
herte vol alre wijsheit. in dy is be
sloten alle die scrift godes ende der p
ppheten. **I**ck grue te dy gulden emer
du heuest in dy dat hemelsche broet
vol hillicheit ende richeit. **I**n dy sijn
alle welden ende medicine alre suetic
heit in dy is smaech alre ghenaden.
In dy heuet hem die soene godes wal
behaghet in dy heuet hie een stat
der glorien. een stede der blyscappen.